



白氏長慶集卷第一 諷諭一 凡六十五首

賀雨

皇帝嗣寶曆元和三年冬自冬及春暮不

雨旱熯上心念下民懼歲成災凶遂下

罪已詔殷勤制萬邦帝曰予一人繼天承

祖宗憂勤不遑寧夙夜心忡一元年誅劉

關一舉靖巴邛二年戮李錡不戰安江東

顧惟眇德遽有魏功或者天降沴無

乃傲予躬上思蒼天戒下思致時邕莫如

率其身慈和與儉恭乃命罷進獻乃命賑

饑窮宥死降五刑責已寬三農宮女出宣

徽廐馬減飛龍庶政靡不舉皆出自宸衷

奔騰道路人偃僕田野翁歡呼相告報感

泣涕沾育順人僣心悅先天意從詔下

纒七日和氣生冲融凝為悠雲散作習

習風晝夜三日雨凄復濛萬心春熙

蘭雪堂

熙百穀青芄上人變愁為喜歲易歉為豐
乃知王者心憂樂與衆同皇天與后土所
感無不通冠珮何鏘上將相及王公蹈舞
呼萬歲列賀明庭中小臣誠愚陋職忝金
鑾宮稽首再三拜一言獻天聰君以明為
聖臣以直為忠敢賀有其始亦願有其終

讀張籍古樂府

張君何為者業文三十春猶工樂府詩舉
代少其倫為詩意如何六義互鋪陳風雅
比興外未嘗著空文讀君學仙詩可調放
佚君讀君董公詩可誨貪暴臣讀君商女
詩可感悍婦仁讀君勤齊詩可勸薄夫淳
上可禪教化舒之濟萬民下可理情性卷
之善一身始從青衿歲迫此白髮新日夜
秉筆吟心苦力亦勤時無采詩官委棄如
泥塵恐君百歲後滅没人不聞願藏中祕

書百代不湮淪願播內樂府時得聞至尊
言者志之苗行者文之根所以讀君詩亦
知君為無人如何欲五十官小身賤貧病眼
街西住無人行到門

哭孔戡

洛陽誰不死戡死聞長安我是知戡者聞

之涕泫然戡佐山東軍非義不可干拂衣
尚西來其道直如絃從事得如此人上以

為難人言明上代合置在朝端或望居諫
司有事戡必言或望居憲府有邪戡必彈

惜哉兩未諧沒齒為閑官竟不得一日謗
謗立君前形骸隨衆人斂葬北邙山平生

剛腸內直氣歸其間賢者為生民生死懸
在天謂天不愛人胡為生其賢謂天果愛

民胡為奪其年荒上元化中誰執如此權
凶宅

長安多大宅列在街西東往七朱門內房
廊相對空臬鳴松桂枝狐藏蘭菊叢蒼苔
黃葉地日暮多旋風前生為將相得罪竄
巴庸後主為公卿寢疾歿其中連延四五
主殃禍繼相鍾自從十年來不利主人翁
風雨壞簷隙蛇鼠穿墻墉人疑不敢買日
毀土木功嗟上俗人心甚矣其愚蒙但恐
災將至不思禍所從我今題此詩欲悟迷
者育凡為大官人年祿多高崇權重持難
又位高勢易窮驕者物之盈老者數之終
四若如寇盜日夜來相攻假使居吉土孰
能保其躬因小以明大借家可諭邦周秦
宅峻函其宅非不同一興八百年一死望
夷宮寄語家與國人凶非宅凶
人有夢仙者夢身升上清坐乘一白鶴前

夢仙

玄宗常与太子
潘福神心事
此意此以派
也

引雙紅旌羽衣忽飄七玉鸞俄錚七坐空
直下視人世塵冥七漸失鄉國處纒分山
水形東海一片白岳五點青須臾羣仙
來相引朝玉京安期羨門董列侍如公卿
仰諸自輕却後十五年致誠帝言如仙木
力勿斯言既寤喜且驚祕之不敢泄誓志居
巖局恩愛捨骨肉飲食斷羶腥朝食雲母
散夜吸沆瀣精空山三十載日望輜輶迎
前期過已父鸞鶴先來聲齒髮日衰白耳
目減聰明一朝同物化身與糞壤并神仙
信有之俗力非可營苟无金骨相不列丹
臺名徒傳辟穀法虛受燒丹經只自取勤
苦百年終不成悲哉夢仙人一夢誤一生
田家少閑月五月人倍忙夜來南風起小
觀刈麥時為盤屋縣尉

之年削玉承
不辭以吐突
白心力諫不直
官者此皆益

其事也而潘鎮
連之福亦可見矣
兵連禍結先戰
滅白以不為

麥覆隴黃婦姑荷簞食童稚攜壺漿相隨
餉田去丁壯在南崗足蒸暑土氣背灼炎
天抱子力盡不知熱但惜夏日長復有貧婦
聽其相顧言聞者為悲傷家田輸稅盡拾
此充飢腸今我何功德曾不事農桑吏祿
三百石歲晏有餘糧念此私自愧盡日不
能忘

海水死、題海圖屏風
性各沉浮突兀海底鰲首冠三神丘鈎網
不能制其來非一秋或者不量力謂茲鰲
頷諸鼉齊掉頭不動綸絕沉其鈎一鼉既頓
噴風激飛廉鼓波怒揚侯鯨鯢得其便張
口欲吞舟萬里死活鱗百川多倒流遂使

江漢水朝宗意亦休蒼然屏風上此畫良
有由

驛驢失其主羸餓死人牧向風嘶一聲莽
蒼黃河曲踏冰水畔立卧雪塚間宿歲暮
田野空寒草不滿腹豈无市駿者盡是凡
人目相馬失於瘦遂遺千里足村中何擾
擾有吏徵芻粟淪彼軍厰中化作駑駘肉

絳桐合廢琴中有太古聲古聲淡無味不
稱今人情玉徽光彩滅朱絃塵土生廢棄
來已父遺音尚冷上不辭為君彈縱彈人
不聽何物使之然羌笛與秦箏

古劍寒黯上鑄來幾千秋白光納日月紫
氣排斗牛有客借一觀愛之不敢求湛然

南雪堂
白千文
集卷之二

玉匣中秋水澄不流至寶有本性精剛無
與儔可使寸匕折不能繞指柔願快直士
心將斷佞臣頭不願報小怨夜半刺私讎
勸君慎斷所用無作神兵羞

雲居寺孤桐

一株青玉立千葉綠雲委亭上五丈餘高
意猶未已山僧年九十清淨者不死自云
手種時一顆青桐子直從萌芽枝高負毫
末始四面無附枝中心有通理寄言立身
者孤直當如此

京兆府新栽蓮

污溝貯濁水上葉田上我來一長歎知
是東溪蓮下有清泥汚馨香無復全上有
紅塵撲顏色不得鮮物性猶如此人事亦
宜然托根非其所不如遭棄捐昔在溪中
日花葉媚青漣今來不得地顛顛府門前

月夜登閣避暑

旱久炎氣甚中人若燔燒清風隱何處草
樹不動搖何以避暑氣無如出塵囂行
都門外佛閣正岩堯清涼近高生煩熱委
靜銷開襟當軒坐意泰神飄上迴看歸路
傍禾黍盡枯焦獨善誠有計將何救旱苗

初授拾遺

奉詔登左掖束帶參朝議何言初命卑且
脫風塵吏杜甫陳子昂才名括天地當時
非不遇尚無過斯位况子蹇薄者寵至不
自意驚近白日光慙非青雲器天子方從
諫朝廷無忌諱豈不思匪躬適遇時無事
受命已旬月飽食隨班次諫紙忽盈箱對
之終自愧

贈元稹

自我從宦遊七年在長安所得唯元君乃

知定交難豈無山上苗徑寸無歲寒豈無
要津水咫尺有波瀾之子異於是久處誓
不謖無波古井水有節秋竹竿一為同心
友三及芳歲闌花下鞍馬遊雪中盃酒歡
衡門相逢迎不具帶與冠春風日高睡秋
月夜深看不為同登科不為同署官所合
在方寸心源無異端

小樹兩株栢新土三尺墳蒼口白露草此
地哭劉君哭君豈無辭辭云君子人如何
天不弔窮悴至終身愚者多貴壽賢者獨
賤述龍亢彼無悔螻屈此不伸哭罷持此
辭吾將詰義文

大圭廉不割利劍用不缺當其斬馬時良
玉不如鐵置鐵在洪鑪鐵消易如雪良玉

同其中三日燒不熟君疑才與德詠此知
優劣

雜興三首

楚王多內寵傾國選嬪妃又愛從禽樂馳
騁每相隨錦鞵臂花隼羅袂控金羈遂習
宮中女皆如馬上兒色禽合為荒刑政兩
已衰雲夢春仍獵章華夜不歸東風二月
天春鴈正離上美人挾銀鑄一發疊雙飛
飛鴻驚斷行斂翅避蛾眉君王顧之笑弓
箭生光輝迴眸語君曰昔聞莊王時有一
愚夫人其名曰樊姬不有此遊樂三載斷
鮮肥

越國政初荒越天旱不已風日燥水田水
涸塵飛起國中新下令官渠禁流水流水
不入田壅入玉宮裏餘波養魚鳥倒影浮
樓雉澹豐九折池縈迴十餘里四月菱荷

伏宮羅網不休元
千穴傷登至而
以謬眼現之矣此
公家以譽地也

且官典軍者
之士往之形諸

欲冰情當何
心培身終致弘
之福也夫

孟謂牛李也

發越王日遊嬉左右好風來香動芙蓉菜
但愛芙蓉香又種芙蓉子不念閭門外千

里稻苗死
吳王心日俊服翫盡奇瓌身卧翠羽帳手

持紅玉盃冠垂明月珠帶束通天犀行動
自矜顧數步徘徊小人知所好懷寶四

方來奸邪得藉手從此倖門開古稱國之
寶穀米與賢才今看君主眼視之如塵灰

伍負諫已死浮屍去不迴姑蘇墓下草糜
鹿暗生麀

晨遊紫閣峯暮宿山下村
老見予喜為

子開一罇舉盃未及飲暴卒來入門紫衣
挾刀斧草上十餘人奪我蓆上酒掣我盤

中食主人退後立斂手反如賓中庭有奇
樹種來三十春主人惜不得持斧斷其根

只稱采造家身屬神策軍主人慎勿語中
尉正承恩

讀漢書

禾黍與稂莠雨來同日滋桃李與荆棘霜
降同夜萎草木既區別榮枯那等夷茫上

天地意无乃大无私小人與君子用置各
有宜柰何西漢末忠邪並信之不然盡信

忠早絕邪臣窺不然盡信邪早使忠臣知
優游兩不斷盛業日已衰痛矣蕭京輩終

令陷禍機每讀元成紀憤上令人悲寄言
為國者不得學天時寄言為臣者可以鑒

於斯

贈樊著作

陽城為諫議以正事其君其手如屈軼舉
必指佞臣卒死不仁者不得秉國鈞元積
為御史以直立其身其心如肺石動必達

白氏文集卷之二十一

窮民東川八十家冤憤一言伸劉闢肆亂
心殺人正紛七其婢曰庾氏棄絕不為親
從使萌逆節隱心替負恩其佐曰孔戡捨
去不為賓凡此士與女其道天下聞常恐
國史每惜若人輩身死各亦淪君為著教
乃敦職廢志空存雖有良史才直筆无所
何不自著書實錄彼善人編為一家言以
備史闕文

蜀路石婦

道傍一石婦無記復无銘傳是此鄉女為
婦孝且貞十五嫁邑人十六夫征行夫行
二十載婦獨守孤茆其夫有父母老病不
安寧其婦執婦道一七如禮經晨昏問起
居恭順發心誠藥餌自調節膳羞必甘馨
夫行竟不歸婦德轉光明後人高其節刻

石像婦形儼然整衣巾若立在閨庭似見
舅姑禮如聞環珮聲至今為婦者見此孝
心生不比山頭石空有望夫名

拾得折劍頭不知折之由一握青蛇尾數
寸碧峯頭疑是斬鯨鯢不然刺蛟虬缺落
泥土中委棄無人收我有鄙介性好剗不
好柔勿輕直折劍猶勝曲全鈎

登樂遊園望

獨上樂遊園四望天日曛東北何靄七宮
闕入煙雲愛此高處立忽如遺垢氛耳目
暫清曠懷抱鬱不伸下視十二街綠樹間
紅塵車馬徒滿眼不見心所親孔生死洛
陽元九謫荆門可憐南北路高蓋者何人
昔我十年前與君始相識曾將秋竹笑比

吾孤且直中心一以合外事紛死極共保
秋竹心風霜侵不得始嫌梧桐樹秋至先
改色不愛揚柳枝春來軟無力憐君別我
後見竹長相憶常欲在眼前故我庭戶側
分首今何處君南我在北吟我贈君詩對
之心側

感鶴

鶴有不羣者飛上在野田飢不啄腐鼠渴
不飲盜泉貞姿自耿介雜鳥何翻翹同遊
不同志如此十餘年一興嗜慾念遂為矰
繳牽委質小池內爭食羣雞前不惟懷稻
梁燕亦競腥羶不惟戀主人燕亦狎烏鴛
物心不可知天性有時遷一飽尚如此况
乘大夫軒

春雪

元和歲在卯六年春二月月晦寒食天天

陰夜飛雪連宵復竟日浩上殊未歇大似
落鵝毛密如飄玉屑寒銷春蒼茫氣變風
凜冽上林艸盡沒曲江冰復結紅杏花
死綠凍楊枝折所憐物性傷非惜年芳絕
上天有時令四序平分寒燠苟反常物
生皆夭闕我觀聖人意魯史有其說或記
水不冰或書霜不殺上將傲正教下以防
災孽茲雪今如何信美非時節

高僕射

富貴人所愛聖人去其泰所以致仕年著
在禮經內玄元亦有訓知止則不殆二疎
獨能行遺跡東門外清風又銷歇追此向
十載斯人古亦稀何況今之世遑也名利
客白首千百輩唯有高僕射七十懸車蓋
我年雖未老歲月亦云邁預恐耄及時貪
榮不能退中心私自傲何以爲我戒故作

僕射詩書之於大帶

白牡丹

城中看花客，旦暮走營。素華人不顧，亦
占牡丹名。閉在深寺中，車馬無來聲。唯有
錢學士，畫日遶叢行。於此皓然質，無人自
芳馨。衆嫌我獨賞，移植在中庭。留景夜不
暝，迎光曙先明。對之心亦靜，虛白相向生。
唐昌玉蕊花，攀翫衆所爭。折來比顏色，一
種如瑤瓊。彼因稀見貴，此以多為輕。始知
無正色，愛惡隨人情。豈惟花獨爾，理與人
事并。君看入眼者，紫艷與紅英。

贈內

生為同室親，死為同穴塵。他人尚相勉，而
况我與君。黔婁妻，匡窮士。妻賢忘其貧，冀缺
一農夫。妻敬儼如賓，陶潛不營生。翟氏自
爨薪，梁鴻不肯仕。孟光甘布裙，君雖不讀

書，此事耳亦聞。至此千載後，傳是何如人。
人生未死間，不能忘其身。所須者衣食，不
過飽與溫。蔬食足充飢，何必膏粱珍。繒絮
足禦寒，何必錦繡文。君家有貽訓，清白遺
子孫。我亦貞苦士，與君新結婚。庶保貧與
素，偕老同欣。

寄唐生

賈誼哭時事，阮籍哭路歧。唐生今亦哭，異
代同其悲。唐生者何人，五十寒且飢。不悲
口无食，不悲身无衣。所悲忠與義，悲甚則
哭之。太尉擊賊日，尚書叱盜時。大夫死，兇
寇諫議謫蠻夷。每見如此事，聲發涕輒隨。
往七聞其風俗，士猶或非。於君頭半白，其
志竟不衰。我亦君之徒，鬱鬱何所為。不能
發聲哭，轉作樂府詩。篇上無空文，句上必
盡規功。高虞人箴痛甚，騷人辭非求宮律。

淚哭

高不務文字奇惟歌生民病願得天子知
未得天子知甘受時人嗤藥良氣味苦瑟
淡音聲稀不懼權豪怒亦任親朋譏人竟
無柰何呼作狂男兒每逢羣盜息或遇雲
霧披但自高聲歌庶幾天聽卑歌笑雖異
名所感則同歸寄君三十三章與君為哭詞

傷唐衢二首

自我心存道外物少能逼常排傷心事不
為長歎息忽聞唐衢死不覺動顏色悲端
從東來觸我心惻上伊昔未相知偶遊滑
臺側同宿李翱家一言如舊識酒酣出送
我風雪黃河北日西並馬頭語別至昏黑
君歸向東鄰我來遊上國交心不交面從
此重相憶憐君需家子不得詩書力五十
著青衫試官死祿食遺文僅千首六義无
差忒散在京洛間何人為收拾

憶昨元和初忝備諫官位是時兵革後生
民正樵額但傷民病痛不識時忌諱遂作
秦中吟一吟悲一事貴人皆恠怒閑人亦
非訾天高未及聞荆棘生滿地惟有唐衢
見知我平生志一讀興歎嗟再吟垂涕泗
因和三韻手題遠緘寄致吾陳杜間賞
愛非常意此人無復見此詩酒可貴今日
開篋看蠹魚損文字不知何處葬欲問先
歎歎終去哭墳前還君一掬淚

問友

種蘭不種艾蘭生艾亦生根芟相交長莖
葉相附榮香莖與臭葉日夜俱長大鋤艾
恐傷蘭溉蘭恐滋艾蘭亦未能溉艾亦未
能除沉吟意不決問君合何如

悲哉行

悲哉為儒者力學不知疲讀書眼欲暗乘

筆手生眦十上方一第成名常苦運縱有
宦達者兩鬢已成絲可憐少壯日適在窮
賤時丈夫老且病焉用富貴為沉朱門
宅中有乳臭兒狀貌如婦人光明膏梁肌
手不把書卷身不擐戎衣二十襲封爵門
承勳戚資春來日七出服御何輕肥朝從
博徒飲暮有娼樓期平封還酒債堆金選
蛾眉聲色狗馬外其餘一無知山苗與澗
松地勢隨高卑古來死柰何非君獨傷悲

紫藤

藤花紫蒙茸藤葉青快踈誰謂好顏色而
為害有餘下如蛇屈盤上若繩縈紆可憐
中間樹束縛成枯株柔蔓不自勝翫上掛
空虛豈知纏樹木千夫力不如先柔後為
害有似諛佞徒附著君權勢君迷不肯誅
又如妖婦人網繆盡其夫奇邪壞人室夫

惑不能除寄言邦與家所慎在其初毫末
不早辨滋蔓信難圖願以藤為誠銘之於
座隅

放鷹

十月鷹出籠草枯雉兔肥下韞隨指顧百
擲無一遺鷹翅疾如風鷹爪利如錐本為
鳥所設今為人所資孰能使之然有術甚
易知取其向背性制在飢飽時不可使長
飽不可使長飢則力不足飽則背人飛
乘飢縱搏擊未飽須繫維所以爪翅功而
人坐收之聖明馭英雄其術亦如斯鄙語
不可棄吾聞諸獵師

慈烏夜啼

慈烏失其母啞上吐哀音晝夜不飛去經
年守故林夜上啼半啼聞者為沾襟聲中
如告訴未盡反哺心百鳥豈无母爾獨哀

怨深應是母慈重使爾悲不任昔有吳起者母歿喪不臨嗟哉斯徒輩其心不如禽慈鳥復慈鳥鳥中之曾參

鷺詩示劉

梁上有雙鷺翻上雄與雌街泥兩椽間一巢生四兒四兒日夜長索食聲孜孜青蟲不易捕黃口無飽期蒲瓜雖欲弊心力不知疲須臾千來往猶恐巢中飢辛勤三十日母瘦鷺漸肥哺上庭樹枝舉翅不迴顧隨風四散飛雌雄空中鳴聲盡呼不歸却入空巢裏啁啾終夜悲鷺上爾勿悲爾當返自思上爾為鷺日高飛背母時當時父母念今日爾應知

采地黃者

麥死春不雨禾損秋早霜歲晏無口食田

中采地黃采之將何用持以易糶糧凌晨荷鋤去薄暮不盈筐携來朱門家賣與白面郎與君啖肥馬可使照地光願易馬殘粟救此苦飢腸

初入太行路

天冷日不光太行峯蒼莽嘗聞此中險今我方獨往馬蹄凍且滑羊腸不可上若比世路難猶自平於掌

鄧魴張澈落第

古琴無俗韻奏罷無人聽寒松無妖花枝下死人行春風十二街軒騎不暫停奔車看牡丹走馬聽秦箏衆目悅芳艷松獨守其貞衆耳喜鄭衛琴亦不改聲懷哉二夫子念此无自輕

送王處士

王門豈无酒侯門豈無肉主人貴且驕待

客禮不足望塵而拜者朝夕走碌上王生
獨拂衣遐舉如雲鶴寧歸白雲外飲水卧
空谷不能隨衆人斂手低眉日扣門與我
別沽酒留君宿好去采薇人終南山正綠

村居苦寒

今年十二月五日雪紛上竹栢皆凍死况
彼無衣民迴觀村閭間十室八九貧北風
利如劍布絮不蔽身唯燒蒿棘火愁坐夜
待晨乃知大寒歲農者猶苦辛顧我當此
日草堂深掩門褐裘覆絀被坐卧有餘温
幸免飢凍苦又無穰畝勤念彼深可愧自
問是何人

納粟

有吏夜扣門高聲催納粟家人不待曉場
上張燈燭揚簸淨如珠一車三十斛猶憂
納不中鞭責及僮僕昔余謬從事內愧才

不足連授四命官坐尸十年祿常聞古人
語損益周必復今日諒甘心還他太倉穀

薛中丞

百人死一直百直死一遇借問遇者誰正
人行得路中丞薛存誠守直心甚固皇明
燭如日再使秉王度奸豪與佞巧非不憎
且懼直道漸光明邪謀難蓋覆每因匪躬
節知有匡時具張為墜網網倚作頽簷柱
悠哉上天意報施紛迴互自古已冥茫從
今猶不諭豈與小人意昏然同好惡不然
君子人何反如朝露裴相昨已夭薛君今
又去以我惜賢心五年如旦暮况聞善人
命長短繫運數今我一涕零豈為中丞故

秋池二首

前池秋始半卉物多摧壞欲暮槿先萎未
霜荷已敗默然有所感可以從茲誠本不

種松筠早凋何足恠
鑿池貯秋水中有蘋與芰
天旱水暗消場
然委空地有似況
者附離權與貴一旦
恩勢移相隨共憔悴

太陰不離畢太歲仍在午
旱日與炎風枯
焦我田畝金石欲銷鑠
况茲禾與黍嗷
萬族中唯農最辛苦
憫然望歲者出門何
所覩但見棘與茨
羅生徧場圃惡苗承
氣欣然得見棘與茨
羅生徧場圃惡苗承
論友

昨夜霜一降殺君庭中槐
乾葉不待黃素
飛下來怜君感節物
晨起步前階臨風
踏葉立半日顏色哀
西望長安城歌鍾十
二街何人不歡樂
君獨心悠哉白日頭
走朱顏鏡中頽平生
青雲心銷化成死灰

我今贈一言勝飲酒千杯
其言雖甚鄙可
破悒悒懷朱門有勳賢
陋巷有顏回窮通
各有命不繫才不才
推此自豁不必待
安排

丘中有一士不知其姓名
面色不憂苦血
氣常和平每選隙地居
不踏要路行舉動
無尤悔物莫與之爭
藜藿不充腸布褐不
蔽形終歲守窮餓而
无嗟嘆聲豈是愛貧
賤深知時俗情勿矜
羅弋巧鸞鶴在冥上

丘中有一士守道歲月深
行披帶索衣坐
拍無絃琴不飲濁泉水
不息曲木陰所逢
苟非義糞土千黃金
鄉人化其風薰如蘭
在林智愚與強弱
不忍相欺侵我欲訪
其人將行復沉吟
何必見其面但在學
其心

新製布裘

桂布白似雪吳綿軟於雲布重綿且厚為
裘有餘溫朝擁坐至暮夜覆眠達晨誰知
嚴冬月支體暖如春中夕忽有念撫裘起
逡巡丈夫貴兼齊豈獨善一身安得萬里
裘蓋畏周四垠穩暖皆如我天下無寒人

杏園中棗樹

人言百果中唯棗凡且鄙皮皴似龜手葉
小如鼠耳胡為不自知生花此園裏豈宜
遇攀翫幸免遭傷毀二月曲江頭雜英紅
倚旋棗亦在其間如嫫對西子東風不擇
木吹苞長未已眼看欲合抱得盡生上理
寄言遊春客乞君一迴視君愛繞指柔從
君怜柳把君求悅目艷不敢爭桃李君若
作大車輪軸材須此
蝦蟇

嘉魚薦宗廟靈龜貢邦家應龍能致雨
我百穀芽蠹上水族中無用者蝦蟇形穢
肌肉腥出沒於泥沙六月七月交時雨正
霧霏蝦蟇得志快樂無以加地既蕃其
生使之族類多又與其聲得以相誼詳
豈唯玉池上汚君清冷波可獨瑤瑟前亂
君鹿鳴歌常恐飛上天跳躍隨姮娥往
蝕明月遣君無柰何

寄隱者

賣藥向都城行憇青門樹道逢馳驛者色
有非常懼親族走相送欲別不敢住私怪
問道旁何人復何故云是右丞相當國握
樞務祿厚食萬錢恩深日三顧昨延英
對今日崖州去由來君臣間寵辱在朝暮
青上東郊草中有歸山路歸去卧雲人謀
身計非誤

曉日提竹籃家童買春蔬青上芹蕨下疊
卧雙白魚無聲但牙上以氣相啾濡傾籃
寫地上撥刺長尺餘豈惟刀杌憂坐見螻
蟻圖脫泉雖已久得水猶可蘇放之小池
中且用救乾枯水小池窄狹動尾觸四隅
一、時幸苟活久遠將何如憐其不得所移
放於南湖南湖連西江好去勿踟躕施恩
即望報吾非斯人徒不須泥沙底辛苦覓
明珠

文柏牀

陵上有老栢柯葉寒蒼上朝為風烟樹暮
為宴寢床以其多奇文宜升君子堂刮削
露節目拂拭生輝光玄班狀狸首素質如
截肪雖充悅日詵終乏周身防華彩誠可
愛生生理苦已傷方知自殘者為有好文章

潯陽三題

并序

廬山多桂樹潯浦多脩竹東林寺有白蓮
華皆植物之貞勁秀異者雖宮囿省寺中
未必能盡有夫物以多為賤故南方人不
貴重之至有蒸爨其桂剪棄其竹白眼於
蓮花者予惜其不生於北土也因賦三題
以言之

廬山桂

偃蹇月中桂結恨依青天
子下人間飄零委何處乃落匡廬山
石上桂葉如剪碧鮮枝幹日長大根
牢堅不歸天上月空老山中廬山去
陽道里三四千無人為移植得入上
不及紅花樹長栽温室前

潯陽十月天

潯陽十月天七氣仍温燠有霜不殺草有

風不落木玄冥氣力薄草木冬猶綠誰肯
盜浦頭迴眼看脩竹其有顧盼者持刀斬
且束剖劈青琅玕家上蓋墻屋吾聞汾晉
間竹少重如玉胡為取輕賤生此西江曲

東林寺白蓮

東林北塘水湛上底見清中生白芙蓉菡
菖三百莖白日發光彩清飈散芳馨洵香
銀囊破瀉露玉盤傾我慙塵垢眼見此瓊
瑤英乃知紅蓮華虛得清淨名夏萼敷未
歇秋房結纒成夜深衆僧寢獨起繞池行
欲收一顆子寄向長安城但恐出山去人
間種不生

大水

潯陽郊郭間大水歲一至閭閻半漂蕩城
堞多傾墜蒼茫生海色渺漫連空翠風卷
白波翻日煎紅浪沸工商徹屋去牛馬登

山避况當率稅時頗害農桑事獨有傭舟
子鼓柁生意氣不知萬人災自覓錐刀利
善無柰爾何爾非久得志九月霜降後水
涸為平地

白氏文集卷第二 諷諭二凡五十八首

續古詩十首

戚亡復戚亡送君遠行役行役非中原海
外黃沙磧伶俜獨居妾迢遞長征客君望
功名歸妾憂生死隔誰家死迫妾身何人不
離折所恨薄命身嫁遲別日迫妾身有存
歿妾心无改易生作閨中婦死作山頭石

又

掩淚別鄉里飄飄將遠行
芒上綠野中春盡孤客情
驅馬上紅墉高低路不平
風吹棠梨花啼鳥時一聲
古墓何代人不知姓與
名化作路傍土年年春
草生感彼忽自悟今我何
營

朝采山上薇暮采山上薇
歲晏薇亦盡飢來何所為
坐飲白石水手把青松枝
擊節獨長調其聲清且悲
櫪馬非不肥所苦長

繫維豢豕非不飽所憂竟為犧行上詞此

曲以慰常苦飢

雨露長纖草山苗高入雲風雪折勁木澗

松摧為薪風摧此何意雨長彼何因因百丈

澗底死寸莖山上春可憐苦節士感此涕

盈巾

窈窕雙鬟女容德俱如玉晝居不踰闕夜

行常秉燭氣如含露蘭心如貫霜竹宜當

備嬪御胡為守幽獨无媒不得選年忽過

三六歲暮望漢宮誰在黃金屋邯鄲進倡

女能唱黃花曲一曲稱君心恩榮連九族

又

栖上遠方士讀書三十年業成無知己徒

步來入關長安多王侯英俊競攀援幸隨

衆賓末得廁門館問東閣有旨酒中堂有

管絃何為向隅客對此不開顏富貴死是

非主人終日歡貧賤多悔尤客子中夜歎

歸去復歸去故鄉貧亦安

涼風飄嘉樹日夜減芳華下有感秋婦攀

條苦悲嗟我本幽閑女結髮事豪家豪家

多婢僕門內頗驕奢良人近封侯出入鳴

玉珂自從富貴來恩薄諷言多冢婦獨守

禮羣妾互竒衰但信言有玷不察心无瑕

容光未銷歇歡愛忽蹉跎何意掌上玉化

為眼中砂盈上一尺水浩七千丈河勿言

小大異隨分有風波閨房猶復爾邦國當

如何亦無所迫身亦無所拘何為腸中氣鬱

上不得舒不舒良有以同心久離居五年

不見面三年不得書念此令人老抱膝坐

長吁豈無盈罇酒非君誰與娛

攬衣出門行遊觀遶林渠澹上春水暖東

蘭雪堂

白氏文集卷之二

風生綠蒲上有和鳴鴈下有掉尾魚飛沉
一何樂鱗羽各有徒而我方獨處不與之
子俱顧彼自傷已禽魚之不如出遊欲遣
憂孰知憂有餘

春旦日出瞳瞳耀晨輝草木照未遠浮
雲已蔽之天地黯以晦當午如昏時雖有
東南風力微不能吹中園向所有滿地青
上葵陽光委雲上傾心欲向依

貞元上和之際予在長安聞見之間有足
德上秦中吟十首并序

悲者因直歌其事命為秦中吟

天下無正聲悅耳即為娛人間无正色悅
目即為姝顏色非相遠貧富則有殊貧為
時所棄富為時所趨紅樓富家女金縷繡
羅襦見人不斂手嬌癡二八初母兄未開

口已嫁不須更綠窓貧家女寂寞二十餘
荆釵不直錢衣上无真珠幾迴人欲聘臨
日又踟躕主人會良媒置酒滿玉壺四座
且勿飲聽我歌兩途富家女易嫁上早輕
其夫貧家女難嫁上晚孝於姑聞君欲娶
婦娶婦意何如

重賦

厚地植桑麻所要濟生民生民理布帛所
求活一身上在外充征賦上以奉君親國家
定兩稅本意在憂人厥初防其淫明勅內
外臣稅外加一物皆以枉法論柰何歲月
父貪吏得因循浚我以求寵斂索無冬春
織絹未成正纒絲未盈斤里胥迫我納不
許整浚巡歲暮天地閉陰風生破村夜深
烟火盡霰雪白紛上幼者形不蔽老者體
無温悲端與寒氣併入鼻中辛昨日輸殘
蘭雪堂

稅因窺官庫門繒帛如山積絲絮似雲屯
號為羨餘物隨月獻至尊奪我身上煖買
爾眼前恩進入瓊林庫歲久化為塵

誰家起甲第朱門大道邊豐屋中櫛比高
牆外迴環累七六七堂棟宇相連延一堂
費百萬鬱七起青烟洞房温且清寒暑不
能忤高堂虛且迥坐卧見南山繞廊紫藤
架夾砌紅藥欄攀枝摘櫻桃帶花移牡丹
主人此中坐十載為大官厨有臭敗肉庫
有貫朽錢誰能將我語問爾骨肉間豈无
窮賤者忍不救飢寒如何一奉身直欲保
千年不見馬家宅今作奉誠園

陋巷孤寒士出門苦栖上雖云志氣在豈
免顏色低平生同門友通籍在金閨曩者

膠漆契邇來雲雨睽正逢下朝歸軒騎五
門西是時天久陰三日雨妻上蹇驢避路
立肥馬當風嘶迴頭忘相識占道上沙堤
昔年洛陽社貧賤相提携今日長安道對
面隔雲泥近日多如此非君獨慘悽死生
不變者唯聞任與梨

七十而致仕禮法有明文何乃貪榮者斯
言如不聞可憐八九十齒墮雙眸昏朝露
貪名利夕陽憂子孫挂冠顧翠綬懸車惜
朱輪金章腰不勝偃僕入君門誰不愛富
貴誰不戀君恩年高須告老名遂合退身
少時共嗤誚晚歲多因循賢哉漢二疎彼
獨是何人寂寞東門路无人繼去塵

勳德既下衰文章亦陵夷但見山中石立

作路旁碑銘動悉太公叙德皆仲尼復以下
多為貴千言直萬贊為文彼何人想見下
筆持但欲愚者悅不思賢者蚩豈獨賢者
蚩仍傳後代疑古石蒼苔苔字安知是愧詞
我聞望江縣翹令撫博娶在官有仁政名
不聞京師身歿欲歸葬百姓遮路歧攀轅
不得歸留葬此江濱至今道其名男女涕
皆垂無人立碑碣唯有邑人知其名

意氣驕滿路鞍馬光照塵借問何為者人
稱是內臣朱絨皆大夫紫綬或將軍誇赴
軍中宴走馬去如雲樽罍溢九醞水陸羅
入珍果擘洞庭摘鱸切天池鱗食飽心自
若酒酣氣益振是歲江南旱衢州人食人
清歌且罷唱紅袂亦停舞趙叟抱五絃宛

轉當膏撫大聲粗若散脫風和雨小聲
細欲絕切鬼神語又如鵲報喜轉作猿
啼苦十指無定音顛倒宮徵羽坐客聞此
聲形神若死主行客聞此聲駐足不能舉
嗟上俗人耳好今不好古所以綠窻琴日
上生塵土

秦中歲云暮大雪滿皇州雪中退朝者朱
紫盡公侯貴有風雲興富無飢寒憂所營
唯第宅所務在追遊朱輪車馬客紅燭歌
舞樓歡酣促密坐醉暖脫重裘秋官為主
人廷尉居上頭日中為一樂夜半不能休
豈知閩鄉獄中有凍死囚

帝城春欲暮喧車馬度共道杜丹時相
隨買化去貴賤死常價酬直看花數灼

百朵紅箋七五束素上張幄幕庇旁織巴
籬護水洒復泥封移來色如故家七習爲
俗人七迷不悟有一田舍翁偶來買花處
低頭獨長歎此歎無人諭一叢深色花十
戶中人賦

贈友五首 并序

吾友有王佐之才者以致君濟人爲已任
識者深許之因贈是詩以廣其志云
一年十二月每月有常令君出臣奉行謂
之握金錢由茲六月氣順以遂萬物性時令
一反常生靈受其病周漢德下衰王風始
不競又從斬是錯諸侯益強盛百里不同
禁四時自爲政盛夏興土功方春勦人命
誰能救其失待君佐邦柄我七象魏門懸
法彝倫正
銀生楚山曲金生鄱溪濱南人棄農業求

之多辛苦披砂復鑿石屹上死冬春手足
盡皴胝愛利不愛身畚田既慵斫稻田亦
懶耘相携作游手皆道求金銀畢竟金與
銀何殊泥與塵且非衣食不濟飢寒人
棄本以趨末日富而歲貧所以先聖王棄
藏不爲珍誰能反古風待君秉國鈞指金
復振璧勿使勞生民
私家無錢鑪平地无銅山胡爲秋夏稅歲
七輸銅錢七力日已重農力日已殫賤糶
粟與麥賤貿絲與綿歲暮衣食盡焉得无
飢寒吾聞國之初有制垂不刊傭必筭丁
口租必計桑田不求土所無不強人所難
量入以爲出上足下亦安兵興一變法兵
息遂不還使我農桑人顛顛畎畝誰能
革此弊待君秉利權利復彼傭法令如貞
觀年

京師四方則王化之本根長吏父於政然
後風教敦如何尹京者遷次不遠巡請君
屈指數十年十五人科條日相矯吏力亦
以勤寬猛政不一民心安得淳九州雍爲
首羣牧之所遵天下率如此何以安吾民
誰能變此法待君贊彌綸慎擇循良吏令
其長子孫
三十男有室二十女有歸近代多離亂婚
姻多過期嫁娶既不早生育常苦遲兒女
未成人父母已衰羸凡人貴達日多在長
大時欲報親不得孝心无所施哀哉三牲
養少得及庭闈惜哉萬鍾粟多用飽妻兒
誰能正婚禮待君張國維庶使孝子心皆
無風樹悲

豫樟生深山七年而後知挺高二百尺本

寓意詩五首

末皆十圍天子建明堂此材獨中規匠人
執斤墨采度將有期孟冬草木枯烈火燎
山陂疾風吹猛焰從根燒到枝養材三十
年方成棟梁姿一朝爲灰燼柯葉無子遺
地雖生爾材天不與爾時不如糞土英猶
有人掇之已矣勿重陳重陳令人悲不悲

焚燒苦但悲采用遲
赫上京內史炎上中書郎昨傳徵拜日恩

賜頗殊常貂冠水蒼玉紫綬黃金章佩服
身未暖已聞竄遐荒親戚不得別吞聲泣
路旁賓客亦已散門前雀羅張富貴來不
久倏如瓦溝霜權勢去猶速瞥若石火光
不如守貧賤貧賤可久長傳語宦遊子且
來歸故鄉
促織不成章提壺但聞聲嗟哉蟲與鳥無
實有虛名與君定交日久要如弟兄何以

示誠信白水指為盟雲雨一為別飛沉兩
難并君為得風鵬我為失水鯨音信日已
疎恩分日已輕窮通尚如此何况死與生
乃知擇交難須有知人明莫將山下松結
託水上萍
翻上兩玄鳥本是同巢鷺分飛來幾時秋
夏炎涼變一宿蓬葦廬一栖明光殿偶因
銜泥處復得重相見彼矜杏梁貴此嗟茅
棟賤眼看秋社至兩處俱難戀所託各暫
時胡為相看歎羨
婆娑園中樹根株大合圍蠢蠢爾樹間蟲形
質一何微孰謂蟲至微盡蠹无已期孰謂
樹至大花葉有衰時花衰夏未實葉病秋
先萎樹心半為土觀者安得知借問蟲何
在七身不在枝借問蟲何食七心不食皮
豈無啄木鳥嘴長將何為

讀史五首

楚懷放靈均國政亦荒淫彷徨未忍決遶
澤行悲吟漢文疑賈生謫置湘之陰是時
刑方措此去難為心士生一代間誰不有
浮沉良時真可惜亂世何足欽乃知汨羅
恨未抵長沙深
禍患如焚絲其來無端緒馬遷下蚕室嵇
康就囹圄抱冤志氣屈忍耻形神沮當彼
戮辱時奮飛無翅羽商山有萑綺潁川有
巢許何不從之遊超然離網罟山林少羈
鞅世路多艱阻寄謝伐檀人慎勿嗟窮處
又

漢日大將軍少為乞食子秦時故列侯老
作鋤瓜士春華何晞華園中發桃李秋風
忽蕭條堂上生荆枳深谷變為岸桑田成
海水勢去未須悲時來何足喜寄言榮枯

者反復殊未已
含沙射人影雖病人不知巧言
人罪至

死人不疑撥蜂殺愛子掩鼻戮寵姬弘恭
陷蕭望趙高謀李斯陰德既必報陰禍豈

虛施人事雖可罔天道終難欺明則有刑
辟幽則有神祗苟免勿私喜鬼得而誅之

季子憔悴時婦見不下機買臣負薪日妻
亦棄如遺一朝黃金多佩印衣錦歸去妻

不敢視婦嫂強依上富貴家人重貧賤妻
子欺柰何貧富間可移親愛志遂使中人

心汲上求富貴又令下人力各競雖刀利
隨分歸舍來一取妻孥意

五年春微之從東臺來不數日又左轉為
江陵士曹掾詔下日會予下內直歸而微

南抵新昌里北得馬上語別語不過相勉
保方寸外形骸而已因不暇及他是夕足

行且奉新詩一軸致於執事凡二十章率
有興比淫文艷韻無一字焉意者欲足下

在途諷讀且以遣日時銷憂懣又有以張
直氣而扶壯心也及足下到江陵寄在路

所為詩十七章凡五六千言上有為章有
旨迨於宮律體裁皆得作者風發緘開卷

且喜且怪僕思牛僧孺戒不能示他人唯
於杓直拒非及樊宗師輩三四人時一吟

讀心甚貴重然竊思之豈僕所奉者二十
章遽能開足下聰明使之然耶抑又不知

足下是行也天將屈足下之道激足下之
心使感時發憤而臻於此耶若兩不然者

蘭雪堂
白氏文集卷之二十一

九

何立意措辭與足下前時詩如此之相遠也僕既羨足下詩又憐足下心盡欲引狂簡而和之屬直宿拘牽居无暇日故不即時如意旬月來多乞病假中稍閑且摘卷中猶者繼成十章亦不下三千言其間所見同者固不能自異上者亦不能強同也者謂一章各附於本篇之末餘未和者亦春詩一者謂之各附於本篇之末餘未和者亦續致之頃者在科試間常與足下同筆硯每下筆時輒相顧共患其意太切而理太周故理太周則辭繁意太切則言激然與足下為文所長在於此所病亦在於此足下來序果有詞犯文繁之說今僕所作稍猶前病也待與足下相見日各引所作稍刪其煩而晦其義焉餘具書白

和思歸樂

觀白詩皆
心解脫未免
中者苦

山中不栖鳥夜半聲嬰上似道思歸樂行人掩泣聽皆疑北山路遷客多南征憂憤氣不散結化為精靈我謂此山鳥本不因人生人心自懷土想作思歸鳴孟嘗平居時娛耳琴冷上雍門一言感未奏淚沾纓魏武銅雀妓日與歡樂并一且西陵望欲歌先弟雲峽猿亦无意隴水復何情為入愁人耳皆為腸斷聲請看元侍御亦宿此郵亭因聽思歸鳥神氣獨安寧問君何以然道勝心自平雖為南遷客如在長安城云得此道來何慮復何營窮達有前定憂喜无交爭所以事君日持憲立天庭雖有迴天力撓之終不傾况始三十餘年以直名心中志氣大眼前爵祿輕君恩若雨露君威若雷霆退不苟免難進不曲求榮任火辨玉性經霜識松貞展禽在三黜靈

讀書堂
白氏文集卷之二十一

均長獨醒獲戾自東洛貶官向南荆再拜
辭闕下長揖別公卿荆州又非遠驛路半
月程漢水照天碧楚山插雲青江陵橘似
珠宜城酒如餒誰謂遣謫去未妨遊賞行
人生百歲內天地暫寓形太倉一稊米大
海一浮萍身委道遙篇心付頭陀一經尚
生死觀寧為寵辱警中懷苟有主外物安
能營任意思歸樂聲上啼到明

和陽城驛

商山陽城驛甲有歎言誰云是元監察江
陵謫去時忽見此驛名良父涕欲垂何故
陽道州名姓同於斯憐君一寸心寵辱誓
不移疾惡若巷伯好賢如緇衣沉吟不能
去意者欲改為改為避賢驛大署於門楣
荆人愛羊祐戶曹改為辭一字不忍道况
兼姓呼之因題八百言上直文甚奇詩成

等夷骨肉同衾裯至死不相離次言陽公

迹夏邑始棲遲鄉人化其風少長皆孝慈
貌紅怡七次言陽公節審上居諫司誓心
除國蠹決死犯天威終言陽公命左遷天
錄事上無子遺地身不得生歸一上皆實
道州既已矣以往者不可追何世无其人來
者亦可思願以君子文告彼大樂師附於
雅歌末奏之白玉輝天子聞此章教化如
法施直諫從如流佞臣惡如疵宰相聞此
章政柄端正持進賢不知倦去邪勿復疑
憲臣聞此章不敢懷依違諫官聞此章不
忍縱詭隨然後告史氏舊史有前規若作
陽公傳欲令後世知不勞叙世家不用費

文辭但於國史上全錄元稹詩

荅桐花

山木多蔚鬱茲桐獨亭上葉重碧雲片花
簇紫霞英是時三月天春暖山雨晴夜色
向月淺暗香隨風輕行者多商賈居者悉
黎氓死人解賞愛有客獨屏營手攀花枝
立足蹋花影行生伶不得所死欲揚其聲
截為天子琴刻作古人形云待我成器薦
之於穆清誠是君子心恐非草木情胡為
愛其華而反傷其生老龜被剗腸不如無
神靈雄雞自斷尾不願為犧牲况此好顏
色花紫葉青上宜遂天地性忍加刀斧刑
我思五丁力拔入九重城當君正殿栽花
葉生光晶上對月中桂下覆階前莫況拂
香爐烟隱映斧藻屏為君布綠陰當暑蔭
軒楹沉上綠滿地桃李不敢爭為君發清

韻風來如叩瓊冷上聲滿耳鄭衛不足聽
受君封植力不獨吐芬馨助君行春令開
花應清明受君雨露恩不獨含芳榮戒君
無戲言剪葉封弟兄受君歲月功不獨資
生成為君長高枝鳳凰上頭鳴一鳴君萬
歲壽如山不傾再鳴萬人泰上階為之平
如何有此用幽滞在巖壑歲月不爾駐孤
芳坐凋零請向桐枝上為余題姓名待余
有勢力移爾獻丹庭

和紫烏

鳥者種有二名同性不同紫小者慈孝紫
大者貪庸紫大命又長生來十餘冬物老
顏色變頭毛白茸上飛來庭樹上初但驚
兒童老巫生姦計與鳥意潛通云此非凡
鳥遙見起敬恭千歲乃一出喜賀主人翁
祥瑞來白日神聖占知風陰作北斗使能

爲人吉凶此鳥所止家上產日夜豐上以
致壽考下可宜田農主人富家子身老心
童蒙隨巫拜復祝婦姑亦相從殺雞薦其
肉敬若禋六宗鳥喜張大觜飛接在虛空
烏既飽臙腥巫亦饗其濃鳥巫互相利不
復兩西東日七營巢窠稍七近房櫛雖生
入九子誰辨其雌雄羣鷓又成長衆觜騁
殘兇探巢吞驚卵入簇啄蚕蟲豈無乘秋
隼羈絆委高瘡但食烏殘肉无施搏擊功
亦有能言鸚鵡翅碧觜距紅暫會說烏罪囚
閉在深籠青七窓前柳鬱上井上桐貪鳥
占栖息慈烏獨不容慈烏爾奚爲來往何
撞曉去先晨鼓暮歸後昏鍾辛苦塵土
間飛啄禾黍叢得食將哺母飢腸不自充
主人憎慈烏命子削彈弓絃續會稽竹丸
鑄荆山銅慈烏求母食飛下爾庭中數粒

未入口一丸已中膏仰天號一聲似欲訴
蒼穹反哺日未足非是惜微躬誰能持此
冤一爲問化工胡然大觜烏竟得天年終
答四皓廟

天下有道見無道卷懷之此乃聖人語吾
聞諸仲尼矯七四先生同稟希世資隨時
有顯晦秉道无磷緇秦皇肆暴虐二世構
亂離先生相隨去商嶺采紫芝君看秦獄
中戮辱者李斯劉項爭天下謀臣竟悅隨
先生如鸞鶴去入冥七飛君看齊鼎中焦
爛者鄢其子房得沛公自謂相遇遲八難
掉舌樞三略役心機辛苦十數年晝夜形
神疲竟雜霸者道徒稱帝者師子房爾則
能此非吾所宜漢高之季年嬖寵鍾所私
家嫡欲廢奪骨肉相憂疑豈无子房口口
舌无所施亦有陳平心心計將何爲儲七

四先生高冠危映眉從容下南山顧盼入
東闈前瞻惠太子左右生羽儀却顧戚夫
人楚舞無光輝心不畫一計口不吐一詞
暗定天下本遂安心劉氏危子房吾則能此
非爾所知先生道既光太子禮甚卑安車
留不住功成棄如遺如彼旱天雲一雨百
穀滋澤則在天下雲復歸希夷勿高巢與
由勿尚呂與伊巢由往不返伊呂去不歸
豈如四先生出處兩逶迤何必長隱逸何
必長濟時由來聖人道無朕不可窺卷之
不盈握舒之巨入陸先生道甚明夫子猶
或非願子辨其惑為子吟此詩

和雉媒

吟君雉媒什一西復一歎知之一何晚今
日乃成篇豈唯鳥有之抑亦人復然張陳
刎頸交竟以勢不完至今不平氣塞絕抵

水源趙襄骨肉親亦以利相殘至今不善
名高於磨笄山况此籠中雉志在飲啄間
稻梁暫入口性已隨人遷身若亦自忘同
族何足言但恨為媒拙不足自全勸君
今日後養鳥養青鸞青鸞一失侶至死守
孤單勸君今日後結客結任安主人賓客
去獨住在門闌

和松樹

亭七山上松一七生朝陽森聳上參天柯
條百尺長漠七塵中槐兩七夾康莊婆娑
低覆地枝榦亦尋常八月白露降槐葉次
第黃歲暮滿山雪松色鬱青蒼彼如君子
心秉操貫冰霜此如小人面變態隨炎涼
共知松勝槐誠欲栽道傍糞土種瑤草瑤
草終不芳尚可以斧斤伐之為棟梁殺身
獲其所為君構明堂不然終天年老死在

南崗不願亞枝葉低隨槐樹行

荅箭鏃

矢人職司憂為箭恐不精上在利其鏃錯
磨鋒鏃成插以青竹箝羽之赤鴈翎勿言
分寸鐵為用乃長兵聞有狗盜者晝伏夜
潛行摩弓拭箭鏃夜射不待明一盜既流
血百犬同吠聲指上嗥不已主人為之驚
盜心憎主人主人不知情反責鏃太利矢
人獲罪名寄言控弦者願君少留聽向不
向西射西天有狼星何不向東射東海有
長鯨不然學仁貴三矢平虜庭不然學仲
連一發下燕城胡為射小盜此用無乃輕
徒沾一點血虛污箭頭腥

和古社

廢村多年樹生在古社隈為作妖狐窟心
空身未摧妖狐變美女社樹成樓臺黃昏
行人過見者心徘徊飢鵬竟不提老犬反
為媒歲媚少年客十去九不迴昨夜雲雨
合烈風駭迅雷風拔樹根出雷霹社壇開
飛電化為火妖狐燒作灰天明至其所清
曠死氛埃舊地葺村落新田闢荒萊始知
天降火不必常為災勿謂神默上勿謂天
恢上勿喜犬不捕勿誇鵬不猜寄言狐媚
者天火有時來

和分水嶺

高嶺峻稜細泉流豐上勢分合不得東
西隨所委悠上草蔓底濺上石罅裏分流
來幾年晝夜兩如此朝宗遠不及去海三
千里浸潤小無功山苗長旱死縈紆用死
所奔迫流不已唯作嗚咽聲夜入行人耳
有源殊不竭无坎終難至同出而異流君
看何所似有似骨肉親派別從茲始又似

蘭雪堂

白氏文集卷之二十一

五

勢利交波瀾相背起所以贈君詩將君何

所比不比山上泉比君井中水

余讀漢書列傳見佞順媵媻圖身忘國如

張禹輩者見惑上盡下交亂君親如江充

輩者見暴很跋扈雍君樹黨如梁冀輩者

見色仁行違先德後賊如王莽輩者又見

外狀恢弘中無實用者又見附離權勢隨

之覆亡者其初皆有動人之才足以惑眾

媚主莫不合於始不敗於終也因引風人

騷人之興賦有木八章不獨諷前人欲傲

後代爾

有木各弱。楓。結根近青池。風烟借顏色。雨

露助華滋。我。上。白雪。花。媚。上。青。絲。枝。漸。密。

陰。自。庇。轉。高。稍。四。垂。截。枝。扶。為。杖。軟。弱。不

自持。折。條。用。樊。圃。柔。脆。非。其。宜。為。樹。信。可

翫論材何所施。可惜金堤地。栽之徒爾為。

有木各櫻桃。得地早滋茂。葉密獨承日。花

繁偏受露。迎風暗搖動。引鳥潛來去。鳥逐

子難成。風來枝莫住。低軟易攀翫。佳。人。屢

迴顧。色。末。桃李。饒。心。向。松。筠。好。是。映。牆

花。本。非。當。軒。樹。所以。姓。蕭。人。曾。為。伐。櫻。賦。

有木秋不凋。青。上。在。江。北。謂。為。洞。庭。橘。美

人。自。移。植。上。受。顧。盼。恩。下。勤。澆。溉。力。實。成

乃。是。枳。臭。苦。不。堪。食。物。有。似。是。者。真。偽。何

由。識。美。人。默。無。言。對。之。長。歎。息。中。含。害。物

意外。矯。凌。霜。色。仍。向。枝。葉。間。潛。生。刺。如。棘

有木名杜梨。陰森覆丘壑。心蠹已空朽。根

深尚盤薄。狐媚言語巧。妖鳥聲音惡。憑此

為巢穴往來互棲託四傍五六本葉枝相
交錯借問因何生秋風吹子落為長社壇
下死人敢芟斫幾度野火來風迴燒不著
又

有木香薷山頭生一叢主人不知名移
種近軒闥愛其有芳味因以調麴葉前後
曾飲者十人無一活豈徒海封植兼亦誤
采掇試問識藥人始知名野葛年深已滋
蔓刀斧不可伐何時猛風來為我連根拔
又

有木名水榿遠望青童根株非勁挺柯
葉多蒙籠彩翠色如栢鱗皴皮似松為同
松栢類得列嘉樹中枝弱不勝雪勢高常
懼風雪壓伍還舉風吹西復東柔芳甚揚
柳早落先梧桐唯有一堪賞中心無蠹蟲
又

有木名凌霄擢秀非孤標偶依一樹遂
抽百尺條託根附樹身開花寄樹梢自謂
得其勢無因有動搖一旦樹摧倒獨立暫
飄飄疾風從東起吹折不終朝朝為拂雲
花暮為委地推寄言立身者勿學柔弱苗
又

有木名丹桂四時香馥花團夜雪明葉
剪春雲綠風影清似水霜枝冷如玉獨占
小山幽不容凡鳥宿匠人愛芳直裁截為
厦屋幹細力未成用之君自速重任雖大
過直心終不曲非梁棟材猶勝尋常木
歎魯二首

季氏心豈忠其富過周公陽貨道豈正其
權執國命由來富與權不繫才與賢所託
得其地雖愚亦獲安彘肥因糞壤鼠穩依
社壇蟲獸尚如此豈謂无因緣

展禽胡為者直道竟三黜顏子何如人屢
空聊過日皆懷王佐道不踐陪臣秩自古
無柰何命為時所屈有如草木分天各與
其一荔枝非名花牡丹无甘實

炎七者烈反鮑明遠白頭吟
者小蠅火不熱真玉蠅

不點清冰此苟无所受彼莫能相仍乃知
物性中各有能不可在道未為弘譬如蠅鷄

徒嗽七淫或應可在道未為弘譬如蠅鷄
豈能泥塵下區七酬怨憎胡為坐自苦吞

悲仍撫膺青塚下有枯蓬走茫七邊雪裏一

上有飢鴈號下有枯蓬走茫七邊雪裏一
掬沙培塿傳是昭君墓埋閉蛾眉久凝脂

化為泥鈿黛復何有唯有陰怨氣時生墳

左右鬱七如苦霧不隨骨銷朽婦人無他
才榮枯繫妍否何乃明妃命獨懸畫工手

冊青一註誤白黑相紛糾遂使君眼中西
施作嫫母同儕傾寵幸異類為配偶禍福

安可報後顏不醜何言一時事可戒干
年後特報後顏不醜何言一時事可戒干

釵嫁作貧家婦不見青塚上行人為澆酒
釵嫁作貧家婦不見青塚上行人為澆酒

君子防悔尤賢人戒行藏嫌疑遠瓜李言
動慎毫芒立教圖如此撫事有非常為君

持所感仰面問蒼七犬醫桃樹根李樹反
見傷老龜烹不爛延禍及枯桑城門自焚

蕪池魚罹其殃陽貨肆兇暴仲尼畏於匡
魯酒薄如水邯鄲開戰場伯禽鞭見血過

失由成王都尉身降虜宮刑加子長呂安
兄不道都市殺嵇康斯人死已久其甚

續雪堂白氏文集卷之二

昭彰是非不由已禍患安可防使我千載後涕泗滿衣裳

白氏文集卷之二

白氏文集卷第三 新樂府 并序 諷諭三凡二十首

序曰凡九千二百五十二言斷為五十篇
篇無定句句无定字繫於意不繫於文首
句標其目卒章顯其志詩三百之義也其
辭質而徑欲見之者易諭也其言直而切
欲聞之者深誠也其事覈而實使采之者
傳信也其體順而肆可以播於樂章歌曲
也摠而言之為君為臣為民為物為事而
作不為文而作也

七德舞 七德歌 傳自武德至元和元和
美撥亂陳王業也

臣白居易觀舞聽歌知樂意終稽首陳
其事太宗十八舉義兵白旄黃鉞定兩京
擒充戮竇四海清二十有四功業成二十
有九即帝位三十有五致太平功成理定

何神速上在推心置人腹亡卒遺骸散帛
收飢人賣子分金贖魏徵夢見天子泣張
謹哀聞辰日哭怨女三千放出宮死囚四
百來歸獄剪鬚燒藥賜功臣李勣嗚咽思
殺身含血吮瘡撫戰士思摩奮呼乞効死
則知不獨善戰善乘時以心感人上心歸
爾來一百九十載天下至今歌舞之歌七
德舞七德聖人有作垂無極豈徒耀神武
豈徒誇聖文太宗意在陳王業王業艱難
示子孫

法曲法曲歌大定積德重熙有餘慶求徽
音之人舞而詠法曲法曲舞霓裳政和世理
音洋上開元之人樂且康法曲法曲歌堂
祚中興萬上葉法曲法曲合夷歌夷聲邪

美

亂華聲和以亂干和天寶末明年胡塵犯
宮闕乃知法曲本華風苟能審音與政通
一從胡曲相參錯不辨興衰與哀樂願求
牙曠正華音不令夷夏相交侵

二王後彼何人介公鬱公為國賓周武隋
文之子孫古人有言天下者非是一人之
天下周亡天下傳于隋上失之唐得之
唐興十葉歲三百介公鬱公世為客明堂
太廟朝享時引居賓位備威儀備威儀助
郊祭高祖太宗之遺制不獨興滅國不獨
繼絕世欲令嗣位守文君亡國子孫取為
戒

海漫上直下無底旁無邊雲濤煙浪最深
處人傳中有三神山上海漫上戒求仙也

之羽化為天仙。秦皇漢武信此語。方士年
上采藥去蓬萊。今古但聞名。烟水茫茫死
見蓬萊不敢歸。童男眼穿不見蓬萊島。不
成多誑。証上元太一虛祈禱。君看驪山頂
上茂陵頭。畢竟悲風吹蔓草。何況玄元聖
祖五千言。不言藥。不言仙。不言白日昇青
天。

立部伎。鼓笛誼舞。雙劍跳七丸。嫋巨索。掉
長竿。太常部伎有等級。堂上者坐堂下立。
堂上坐部伎。歌清堂下立。部鼓笛鳴笙歌。
一。聲眾側耳。鼓笛萬曲。無人聽。立部。賤坐
部。貴坐。哥。退。為。立部。伎。擊鼓吹笙和雜戲。
立部。又。退。何。所。任。始。就。樂。懸。操。雅。音。雅。音。
替。壞。一。至。此。長。今。爾。輩。調。宮。徵。圓。丘。后。土。

郊祀時。言將此樂感神祇。欲望鳳來百獸
舞。何異此。轅將適楚。工師愚賤安足云。太
常三卿。爾何人。刺樂工非其人也。

華原磬。華原磬。古人不聽。泗濱石。泗濱石。
泗濱石。今人不擊。今人古人不。何不。

同用之。捨之。由樂工樂子。雖在耳。如壁不
分。清濁。即為。龔梨園弟子。調律呂。知有新

聲。不。如。古。一。聽。華。原。石。君。心。遂。忘。封。疆。臣
感。人。宮。懸。一。聽。華。原。石。君。心。遂。忘。封。疆。臣

果然。胡寇從。燕起。武臣少。肯封疆。死始知
樂。與。時。政。通。豈。聽。鏗。鏘。而已。矣。磬。襄。入。海

去。不。歸。長。安。市。人。為。樂。師。華。原。磬。與。泗。濱
石。清。濁。兩。聲。誰。得。知。

上陽人。紅顏暗。老白髮。新綠衣。監使守宮
上陽人。紅顏暗。老白髮。新綠衣。監使守宮

來幾年無問致折何因緣翁云貫屬新豐
縣生逢聖代無征戰慣聽梨園歌管聳不
識旗槍與弓箭無向天寶大徵兵戶有三
丁點一丁點得駟將何處去五月萬里雲
南行聞道雲南有瀘水椒花落時瘴烟起
大軍徒涉水如湯未過十人二死村南
村北哭聲哀兒別爺孃夫別妻皆云前後
征蠻者千萬人行無一迴是時翁年二十
四兵部牒中有名字夜深不敢使人知
將大石鎚折臂張弓簸旗俱不堪從茲始
免征雲南骨碎筋傷非不苦且圖棟退歸
鄉土臂折來七六十年一肢雖廢一身全
至今風雨陰寒夜直到天明痛不眠痛不
眠終不悔且喜老身今獨在不然當時瀘
水頭身死竟飛骨不收應作雲南望鄉鬼
萬人塚上哭啣七老人言君聽取君不聞

開元宰相宋開府不賞邊功防黷武又不
聞天寶宰相楊國忠欲求恩幸立邊功邊
功未立生人怨請問新豐折臂翁
借夫婦以諷君臣不終

太行之路能推車若比人心是安流人心好惡
之水能覆舟若比人心是安流人心好惡
苦不常好生毛羽惡生瘡與君結髮未五
載豈期牛女為參商古稱色衰相棄背當
時美人猶怨悔何況如今鸞鏡中妾顏未
改君心改為君薰衣裳君聞蘭麝不馨香
為君盛容飾君看金翠无顏色行路難
重陳人生莫作婦人身百年苦樂由他人
行路難於山險於水不見左納言右納史
近代君臣亦如此君不見左納言右納史
朝承恩暮賜死行路難不在水不在山只
在人情反覆間

司天臺仰觀俯察天人際義和死來職事

廢官不來賢空取藝昔聞西漢元成間上

陵下替謫見天北辰微暗少光色四星煌

台如火赤耀芒動角射三台台上台半滅中

明朝趨入明光殿唯奏慶雲壽星見天文

時變兩如斯尤重天子不得知不得知安

用臺高百尺為捕蝗刺長吏也

捕蝗捕蝗誰家子天熱日長飢欲死興元

兵父傷陰陽和氣盡蠹化為蝗始自兩河

及三輔荐食如蚕飛似雨上飛蚕食千里

間不見青苗空赤土河南長吏言憂農課

人晝夜捕蝗蟲是時粟斗錢三百蝗蟲之

價與粟同捕蝗捕蝗竟何利徒使飢人重

勞費一蟲雖死百蟲來豈將人力競天災

我聞古之良吏有善政以政駟蝗上出境

又聞貞觀之初道欲昌文皇仰天吞一蝗

魚

昆明春昆明春上池岸古春流新影浸南

山青混漾波沉西日紅齋淪往年因旱靈

池竭龜尾曳塗魚煦沫詔開八水注恩波

千介萬鱗同日沽今來淨淥水照天游魚

鋪翅眠動植飛沉皆遂性皇澤如春無不

被漁者仍豐網罟資貧人又獲菰蒲利詔

以昆明近帝城官家不得收其征菰蒲無

租魚无稅近水之人感君惠感君惠獨何

人吾聞率土皆王民遠近同欣上吳興山

推此惠及天下無遠无近同欣上吳興山

中罷推茗鄱陽坑裏休封銀天涯地角無
禁利熙七同似昆明春

城鹽州城鹽州城在五原上頭蕃東節
度鉢闡牙布忽見新城當要路金鳥飛傳贊

普聞建牙傳箭集羣臣君臣楮面有憂色
皆言勿謂唐死人自築鹽州十餘載左衽

擅裘不犯塞晝牧牛羊夜捉生長去新城
百靈外諸邊急警勞成人唯此一道無烟

塵驛路好馬來長安藥肆黃著賤城鹽州
州驛未城天子憂德宗按圖自定計非關

將略與廟謀吾聞高宗中宗世北虜猖狂
最難制韓公創築受降城三城鼎峙屯漢

兵東西巨絕數千里耳冷不聞胡馬聲如
今邊將非死策心笑韓公築城壁相看養

寇為身謀各握強兵固恩澤願分今日邊
將思褒贈韓公封子孫誰能將此鹽州曲

翻作歌詞聞至尊美臣遇明主也

道州民多侏儒長者不過三尺餘市作矮
奴年進送號為道州任土貢任土貢寧若

斯不聞使人生別離老翁哭孫母哭兒一
自陽城來守郡不進矮奴頻詔問城云臣

按六典書任土貢有無道州水土所
生者只有矮民先矮奴吾君感悟壘書下

歲貢矮奴宜悉罷道州民老者幼者何欣
州民兄弟子弟始相保從此得作良人身道

仍恐兒孫忘使君生男多欲說使君先下淚

馴犀馴犀通天犀軀貌駭人角駭雞海蠻

聞有明天子駟犀乘傳來萬里一朝得謁
大明宮歡呼拜舞自論功五年馴養始堪
獻六譯語言方得通上嘉人獸俱來遠蠻
館四方犀入苑餘以瑤菊鏢以金故鄉迢
迢君門深海鳥不知鍾鼓樂池魚空結江
湖心馴犀生處南方執秋死白露冬無雪
一入上林三四年又逢今歲苦寒月飲冰
卧霰苦踉蹌角骨凍傷鱗甲縮馴犀死蠻
兒啼向闕再三顏色低奏乞生歸本國去
恐身凍死似馴犀君不見貞元末馴犀凍死蠻兒
還放林邑君不見貞元末馴犀凍死蠻兒
泣所嗟建中異貞元象生犀死何足言
五絃彈五絃彈聽者傾耳心寥也趙璧知
君入骨愛五絃一上為君調第一第二絃
索上秋風拂松疎韻落第三第四絃冷上

夜鶴意子籠中鳴第五絃聲最掩抑龍
凍咽流不得五絃並奏君試聽凄切
復錚錚鐵擊珊瑚一兩曲水寫玉盤千萬
聲殺聲入耳膚血寒慘氣中人肌骨酸曲
一終聲盡欲半日四座相對愁无言座中
一遠方吉喙上咨上聲不巳自歎今朝初
得聞始知孤負平生耳唯憂趙璧白髮生
老死人間無此聲遠方士爾聽五絃信為
美吾聞正始之音不如是正始之音其若
何朱絃疎越清廟歌一彈一唱再三歎曲
淡節稀聲不多融上曳上召元氣聽之不
覺心平和人情重今多賤古上琴有絃不
不撫更從趙璧藝成來二十五絃不如五
蠻子朝汎皮船兮渡繩橋來自雋州道路
遙入界先經蜀川過蜀將收功先表賀臣

聞雲南六詔蠻東連梓扞西連蕃六詔星
居初瑣碎合為一詔漸強大開元皇帝雖
聖神唯蠻屈強不來實鮮于仲通六萬卒
征蠻一陣全軍沒至今西洱河岸邊箭孔
刀痕滿枯骨誰知今日慕華風不勞一人
蠻自通誠由陛下休明德亦賴微臣誘諭
功德宗省表知如此笑令中使迎蠻子蠻
子導從者誰何摩挲俗羽雙隈伽清平官
持赤藤杖大將軍繫金吐嗟異牟尋男尋
閣勸特勅召對延英殿上心貴在懷遠蠻
引臨玉座近天顏冕旒不垂親勞來賜衣
賜食移時對移時對不可得大臣相看有
羨色可伶宰相拖紫佩金章朝日唯聞對
一刻

驃國樂驃國樂出欲王化之先邇後遠也
驃國樂驃國樂出欲王化之先邇後遠也

子舒難陀來獻南音奉正朔德宗立仗御
紫庭對續不塞為爾聽玉螺一吹推髻聳
銅鼓千擊文身踊珠纓炫轉星宿搖花鬢
抖擻龍蛇動曲終王子啓聖人臣父願為
唐外臣左右歡呼向翁習皆尊德廣之所
及須臾百辟詣閤門俯伏拜賀至尊伏
見驃人獻新樂請書國史傳子孫時有擊
壤老農父暗測君心閑獨語聞君政化甚
聖明欲感人心致太平感人在近不在遠
太平由實非由聲觀身理國上可濟君如
心兮民如體上生疾苦心慘悽民得和平
君愷悌貞元之民若未安驃樂雖聞君不
歡貞元之民苟無病驃樂不來君亦聖驃
樂驃樂徒喧喧不如聞此芻蕘言
縛戎人縛戎人耳穿面破駭入秦天子矜

南唐書卷之九

冷不忍殺詔徒東南吳與越黃衣小使錄
姓名領出長安乘迤行身被金搶面多瘡
扶病徒行日一驛朝食飢渴費盃盤夜卧
腥臊汚床席忽逢江水憶交河垂手齊聲
嗚咽歌其中一虜語諸虞爾苦非多我自
多司伴行人因借問欲說喉中氣憤七自
云鄉管本涼原大曆年中沒落蕃一落蕃
中四十載遣著皮裘繫毛帶唯許正朝服
漢儀歛衣整巾潛淚垂誓心密定歸鄉計
不使蕃中妻子知暗思幸有殘筋力更恐
年衰歸不得蕃候嚴兵鳥不飛脫身肩死
奔逃歸晝伏宵行經大漠雲陰月黑風沙
惡驚藏青塚寒草踈偷渡黃河夜冰薄忽
聞漢軍鼙鼓聲路傍走出再拜迎游騎不
聽能漢語將軍逐縛作蕃生配向江南卑
濕地定無存卹空防備念此吞聲仰訴天

若為辛苦度殘年涼原鄉井不得見胡地
妻兒虛弃捐沒蕃被囚思漢土歸漢被劫
為蕃虜早知如此悔歸來兩地寧如一處
苦縛戎人戎人之中我苦辛自古此寃應
未有漢心漢語吐蕃身



白氏文集卷之第二

鳳凰集卷之三十一



